

starogradski

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

haber

BESPLATAN PRIMJERAK • juni, 2012. broj 14.

- **Ibrahim Hadžibajrić**
Evropski načelnik
Federacije BiH
- **Intervju:**
Vildana Taso - Kapetanović
- **Obilježeni Dani**
Općine Stari Grad
- **Rekonstrukcija Ferhadije**

Općina Stari Grad

Evropski
otvoreni grad

- 2-3 Ibrahim Hadžibajrić
Evropski načelnik
Federacije BiH
- 4 Zahvalnice spasiocima
Emira Murge i rahmetli
Adnana Čatića
- 5 Izabrani novi članovi
savjeta mjesnih
zajednica
- 8-9 Intervju :Vildana
Taso - Kapetanović
- 10 Obilježeni Dani Općine
Stari Grad
- 18 Predstavljamo
Mjesnu zajednicu
„Mahmutovac“
- 19 1001 starogradski biser:
„Muzej Stare pravoslavne
crkve“



Impressum

- Izdavač:** Općina Stari Grad
Sarajevo
- Tiraž:** 2.000
- Pripremili:** Almedina Porča
Selma Velić
Alma Imamović
Alija Ibrović
Džavid Katica
- DTP:** Safet Mališević
- Fotografije:** Zijad Lokvančić
- Štampa:** DES d.o.o. Sarajevo
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Tel./fax:** +387 33 282 385
+387 33 217 916

Priznanja



Plaketa za evropskog načelnika

Ibrahim Hadžibajrić Evropski načelnik Federacije BiH

Općina Stari Grad proglašena je „Evropskim otvorenim gradom“, a njenom načelniku Ibrahimu Hadžibajriću dodijeljena je plaketa Evropskog načelnika Federacije BiH u 2012. godini.

Ova značajna priznanja i Općini Stari Grad i načelniku Hadžibajriću uručili su predstavnici Evropskog pokreta u BiH. Plaketa Evropski načelnik u FBiH u 2012. godini Hadžibajriću je uručena 8. maja,

ove godine u Vitezu na svečanoj akademiji „Vrijeme je za Evropu“ održanoj povodom Dana Evrope – 9. maja. Na ovoj akademiji plaketu za Evropskog načelnika BiH dobio je Vlado Alilović, načelnik Općine Vitez, a za Evropskog načelnika RS Mićo Mičić, načelnik Opštine Bijeljina.

Načelnik Hadžibajrić zahvalio se Evropskom pokretu u BiH za priznanje koje mu je dodijeljeno.

„Ovo priznanje je kruna mog mandata.

Najbolji načelnik u BiH

Ibrahim Hadžibajrić, načelnik Općine Stari Grad 2010. godine proglašen je i najboljim načelnikom u BiH.

Ovo visoko i međunarodno verifikovano priznanje načelniku Hadžibajriću dodijelila je Agencija za izbor najmenadžera BiH, Jugoistočne i Srednje Evrope, po odluci žirija sastavljenog od najuglednijih menadžera i naučnih radnika iz regiona. Načelnik Hadžibajrić ovo priznanje je dobio zbog konkretnih rezultata koje je postigao u praksi, kao i realizacije projekata koji su doprinijeli razvoju Općine Stari Grad.



Plaketa za najnačelnika 2010. godine

Priznanje za razvoj lokalne samouprave

Internacionalna liga humanista 2011. godine je nominovala Ibrahima Hadžibajrića, načelnika Općine Stari Grad za dobijanje Zlatne plakete sa značkom za sveukupni doprinos razvoju lokalne samouprave.

Čelnici ILH ocijenili su da je Hadžibajrić u fokus svog rada i djelovanja stavio interes građana, da je lider koji svoj ugled i autoritet ne gradi na apriornoj poziciji na kojoj se nalazi, već na stručnom i profesionalnom znanju, sposobnostima i postignutim rezultatima. Hadžibajrića su prepoznali kao lidera kojem građani vjeruju i koga slijede zbog njegove odlučnosti, principijelnosti, nepokolebljivosti i istrajnosti u realizaciji svojih ciljeva.



Općina Stari Grad - Evropski otvoreni grad

Svakako ovo priznanje treba i održati, a u narednom periodu i opravdati”, istakao je Hadžibajrić, dodavši kako će se u svom radu i ubuduće zalagati da sve aktivnosti i projekti u Općini Stari Grad budu realizovani na najbolji mogući način, kao što je to bilo i do sada.

Na svečanoj akademiji priznanja su uručena i brojnim političarima, privrednicima, kulturnim i sportskim radnicima i medijima koji su doprinijeli razvoju BiH, posebno na njenom putu ka euroatlantskim integracijama.

Evropski pokret u BiH Općinu Stari Grad je prepoznao kao evropsku sredinu, zbog čega joj je i dodijeljeno priznanje „Evropski otvoreni grad”. Predstavnici Evropskog pokreta u BiH ovo priznanje Općini su dodijelili 16. aprila, 2012. godine. Oci-

jenili su kako su Općina Stari Grad i Ibrahim Hadžibajrić svojim profesionalnim djelovanjem, kao javni i društveni servis u interesu građana, postigli zavidan, gotovo evropski, nivo u funkcionalnosti, te kao takvi mogu biti pozitivan primjer za ostale sredine, kako u BiH, tako i u cijelom regionu i mnogo šire.

„Ako postoji ijedna sredina koja zaslužuje da se zove evropski otvoreni grad onda je to Općina Stari Grad koju uspješno predvodi načelnik Ibrahim Hadžibajrić“, istakao je Predrag Praštalo, predsjednik Evropskog pokreta u BiH.

Svečanostima uručenja priznanja Općini Stari Grad i plakete načelniku Hadžibajriću prisustvovali su predstavnici svih nivoa vlasti u BiH, međunarodnih organizacija i diplomatskog kora.

Nagrađeni napori za razvoj turizma

Načelnik Općine Stari Grad Ibrahim Hadžibajrić dobitnik je priznanja „Zlatna turistička ruža 2010.“ i Povelje F.E.S.T. 2009.

Oba priznanja načelniku Hadžibajriću uručena su za postignute rezultate u razvoju turizma na području lokalne zajednice.

O razvoju turizma u Općini Stari Grad svjedoče i mnogobrojni projekti za čiju je realizaciju u proteklom periodu u općinskom budžetu obezbijeđen značajan novac.

Počasni građanin pariškog udruženja

Francusko Udruženje “Republique de Montmartre“ Ibrahimu Hadžibajriću dodijelit će priznanje počasnog građanina ovog Udruženja.

Ovo priznanje Hadžibajriću će biti dodijeljeno zbog pružene podrške u projektu jačanja saradnje lokalnih zajednica BiH i Pariza.

Općina Stari Grad tehnički i finansijski je pomogla organizovanje potpisivanja Sporazuma o saradnji između predstavnika starogradskog Udruženja “Tradicionalni zanatski esnafi” i pariškog Udruženja “Republique de Montmartre“. Sporazum je potpisan u junu, prošle godine.



Načelnik Hažibajrić i Predrag Praštalo

Događaji

Zahvalnice spasiocima Emira Murge i rahmetli Adnana Čatića

Policajci, vatrogasci i građani koji su učestvovali u akciji spašavanja Emira Murge i rahmetli Adnana Čatića u koritu rijeke Miljacke 11. juna, 2012. godine od Općine Stari Grad dobili su zahvalnice i novčane nagrade.

Zahvalnice za iskazanu izuzetnu profesionalnost, hrabrost i požrtvovanost svim sudionicima akcije spašavanja dvojice mladića uručio je Ibrahim Hadžibajrić, načelnik Općine Stari Grad.

Zahvalnice i nagrade su dobila četiri policajca Policijske stanice Stari Grad: Almir Dautović, Adnan Hasanović, Nenad Čolaković i Alen Delić, dva vatrogasca Profesionalne vatrogasne brigade Kantona Sarajevo: Mirsad Karić i Adis Delić, te dva građanina: Mevludin Muhović i Samir Seferović.

Načelnik Hadžibajrić zahvalio se svima koji su 26. maja, dali sve od sebe kako bi u nabujaloj Miljacki spasili Emira Murgu i rahmetli Adnana Čatića.

“Taj dan na djelu je bila i sarajevska solidarnost. Uposlenici dvije institucije i građani koji su se zadesili kod Inat kuće,



Načelnik sa sudionicima spasavanja dvojice mladića

ne štedeći svoje živote, ušli su u nabujaloj Miljacku kako bi spasili Emira Murgu i Adnana Čatića”, rekao je Hadžibajrić.

Hadžibajrić je najavio i kupovinu opreme neophodne za spašavanje ljudi i imovine u vodi za policajce i vatrogasce.

Na ceremoniji uručenja zahvalnica i nagrada sudionici akcije prisjetili su se

tog kobnog 26. maja, kada je u nabujaloj Miljacki život izgubio Adnan Čatić, a tjelesne povrede zadobio Emir Murga.

Svi sudinoci akcije istakli su kako je Miljacka tog dana zaista bila neukrotiva, te da su bez razmišljanja o svojim životima, pritekli u pomoć dvojici mladića.

Dvije nove lipe u Aleji ambasadora

Roland Gilles, ambasador Republike Francuske u BiH i Yusif Vazirov, diplomatski predstavnik Republike Azerbejdžan u BiH, početkom juna, zasadili su 112. i 113. lipu u Aleji ambasadora.

Ceremonijama sadnje lipe prisustvovao je Ibrahim Hadžibajrić, načelnik Općine Stari Grad i Mustafa Lačević, dopredsjedavajući Općinskog vijeća Stari Grad. Načelnik Hadžibajrić podsjetio je kako je ovaj projekat počeo još 2002. godine i da će biti nastavljen i u narednom periodu.

Diplomatski predstavnici Francuske i Azerbejdžana u BiH zahvalili su se što su dobili priliku da budu dio ovog projekta.

Oba diplomatska predstavnika su kazala kako sadnja lipa potvrđuje dobre prijateljske odnose između BiH i zemalja iz kojih dolaze, te su istakli kako vjeruju da će saradnja između BiH i Francuske odnosno Azerbejdžana, biti čvršća u narednom periodu.

Vazirov je istakao kako je za Aleju amb-



Načelnik i ambasador Francuske

sadora saznao čim je došao u BiH kao diplomatski predstavnik Azerbejdžana.

“Ovo je prvi zajednički projekat između Općine Stari Grad i Republike Azerbejdžan. Nadam se da će ih u budućnosti biti mnogo više”, kazao je Vazirov.



Hadžibajrić i Vazirov

Nakon sadnje lipe Hadžibajrić je diplomatskim predstavnicima Francuske i Azerbejdžana uručio certifikat, kao potvrdu da su posadili svoje drvo, ali i pozivnicu za ponovni dolazak u BiH i Sarajevo, te skicu Aleje ambasadora sa svim do sada zasađenim lipama.

Izabrani novi članovi SAVJETA MJESNIH ZAJEDNICA

Građani Općine Stari Grad izlaskom na izbore 22. aprila, 2012. godine izabrali su nove članove savjeta mjesnih zajednica, a rezultate je na aprilskoj sjednici objavilo Općinsko vijeće Stari Grad. Prema izvještaju Izborne komisije Općine Stari Grad na izbore, koji su održani u 16 starogradskih mjesnih zajednica, izašlo je 3.845 glasača ili 10,3 odsto od ukupnog broja birača na biračkim spiskovima. Prvog dana brojanja glasova utvrđeno je kako su po dva kandidata u mjesnim zajednicama Mjedenica i Bašćaršija imali isti broj glasova. Kandidati u ovim mjesnim zajednicama izabrani su žrijebanjem.

Novi članovi Savjeta mjesnih zajednica:



Birački odbor Logavina

Bašćaršija

Enver Pečenković	Predsjednik
Sead Sulejmanagić	Član
Virdžina Žubi	Član
Jasmin Divović	Član
Mirsad Hašimbegović	Član
Elvira-Nina Čurea	Član
Alen Šarić	Član

Hrid - Jarčedoli

Tarik Bjelak	Predsjednik
Mujo Klino	Član
Alen Mašić	Član
Ujkan Turković	Član
Inda Kršo	Član
Izet Gagula	Član
Salem Hodžić	Član

Medrese

Namka Mulahasanović	Predsjednik
Tarik Varešanović	Član
Suad Katica	Član
Ismeta Puškić	Član
Muhamed Karahasanović	Član
Đula Kovačević	Član
Kemal Jusić	Član

Sedrenik

Muhidin Zimić	Predsjednik
Jasmin Parla	Član
Edin Sijerčić	Član
Amela Ikanović	Član
Munir Muharemović	Član
Adnan Zimić	Član
Šećan Bećirević	Član

Babića bašča

Šejla Bašić	Predsjednik
Dijana Simit	Član
Amira Bašić	Član
Mirsada Šaćić	Član
Elvedin Moralić	Član

Ferhadija

Faruk Emirhafizović	Predsjednik
Adina Mahić	Član
Josip Knežević	Član
Murat Abdihodžić	Član
Nedim Halilbegović	Član

Mahmutovac

Džehva Musić	Predsjednik
Fuad Bečić	Član
Azra Džanović	Član
Jusuf Čosović	Član
Zaim Zolj	Član

Mjedenica

Derviš Mahmutović	Predsjednik
Nermina Popara	Član
Alma Omerović	Član
Nedim Herenda	Član
Senada Delibašić	Član

Logavina

Ekrem Kaljanac	Predsjednik
Advija Husić	Član
Jasmina Adžajić	Član
Džemal Tabić	Član
Almir Čelik	Član
Armis Mašić	Član
Suad Muzurović	Član

Mošćanica

Muamer Mekić	Predsjednik
Alija Hodžić	Član
Himzo Dervišević	Član
Jasmin Kolar	Član
Mustafa Pustahija	Član
Fadil Ribić	Član
Emir Bićo	Član

Vratnik

Avdo Hodžić	Predsjednik
Maja Bjelan	Član
Husein Čengić	Član
Nijaz Jažić	Član
Fikret Krka	Član
Ahmed Kumro	Član
Salih Meštrović	Član

Širokača

Samir Isaković	Predsjednik
Ajla Cviko	Član
Kenan Bijelonja	Član
Amina Pamuk	Član
Adelis Lagumdžija	Član
Anel Kunić	Član
Arnela Burović	Član

Bistrik

Haris Hondo	Predsjednik
Emir Kemura	Član
Amela Jažić	Član
Adnan Handžar	Član
Vedran Dodik	Član
Zineta Zvirac	Član
Ajša Mehićević Dodik	Član

Sumbuluša

Fikret Hadžihalilović	Predsjednik
Senada Gadžo	Član
Hamid Efendić	Član
Abdulah Fazlagić	Član
Hamid Smajić	Član

Toka - Džeka

Tarik Čengić	Predsjednik
Kasim Pita	Član
Jasmin Voloder	Član
Mirza Ramić	Član
Azra Asani	Član

Kovači

Nermin Đino	Predsjednik
Hamdija Smajić	Član
Derviš-Izet Ridžanović	Član
Ramiza Bošnjak	Član
Mina Zlatar	Član

Općinsko vijeće

38. sjednica

Općinskog vijeća

Vijećnici Općinskog vijeća Stari Grad dvotrećinskom većinom podržali su izmjene i dopune Statuta Općine Stari Grad.

Po ovim izmjenama, koje su usvojene na 38. sjednici Općinskog vijeća Stari Grad održanoj 29. marta, 2012. godine, promijenjene su odredbe koje se odnose na izbor savjeta mjesnih zajednica, kao i odredbe koje su u vezi sa izglasavanjem određenih općinskih dokumenata. Izmjene Statuta inicirali su načelnik Općine i Komisija za propise i Statut Općinskog vijeća.

Po odredbama Statuta mandat članova savjeta mjesnih zajednica trajao je dvije godine. Izmjenama njihov mandat produžen je na četiri godine. Sa usvojenim izmjenama pojedine odredbe Statuta usklađene su sa Zakonom o principima lokalne samouprave FBiH. Jedna od izmjena odnosi se na usvajanje općinskog budžeta.



Općinsko vijeće

Ranije je Statutom bilo predviđeno da vijećnici dvotrećinskom većinom usvajaju budžet. Ova odredba je promijenjena pa je sada neophodna natpolovična većina za usvajanje ovog dokumenta, kako je predviđeno i u Zakonu. Predstavnici Policijske stanice Stari Grad vijećnicima su predstavili i Informaciju o preduzetim aktivnostima policijskih službenika na području Policijske stanice Stari Grad za prošlu godinu. Zaključeno je kako je stanje u oblasti kriminaliteta u Starom Gradu zadovoljavajuće.

Vijećnici su usvojili i izvještaj o stanju naplate zakupnina za poslovne prostore za 2011. godinu. U prošloj godini od zakupnina je naplaćeno 7.100.394,87 KM.

39. sjednica

Općinskog vijeća

Nijaz Memić i Ibrahim Mašić dobitnici su općinske Povelje sa zlatnim štitom, a Asija Hajdarević, Zekerijah Nalić i "Mrkva group" Povelje s grbom Općine Stari



Požar na Baščaršiji

Grad. Policajac godine je Mirsad Hodžić, komandir Policijske stanice Stari Grad, a zahvalnice Općine Stari Grad pripale su Asmiru Tatliću i Hamidu Hadžiefendiću. Zaključeno je ovo na 39. sjednici Općinskog vijeća Stari Grad održanoj 25. aprila, 2012. godine. Sve povelje i priznanja dobitnicima su uručene na Svečanoj sjednici Općinskog vijeća.

Na dnevnom redu 39. sjednice Općinskog vijeća Stari Grad bio je i rebalans budžeta za 2012. godinu. Nakon što su vijećnici tražili da rebalans budžeta iz prijedloga bude pretočen u nacrt, predstavnici izvršne vlasti s dnevnog reda povukli su rebalans i izmjenu odluke o izvršavanju budžeta.

Vijećnicima je bila predstavljena i informacija o požarima na području Općine Stari Grad od 7. do 19. marta, 2012. godine. Mustafa Čutahija, komandir PVB KS, istakao je kako je u Starom Gradu od 1. januara, bilo 76 požara što je za 27 odsto više nego u istom periodu prošle godine. Nakon iscrpne informacije o požarima vijećnici su većinom glasova usvojili zaključke kojima se obavezuju nadležne službe da preduzmu niz mjera preventivnog karaktera u cilju sprječavanja požara u narednom periodu.

40. sjednica

Općinskog vijeća

Rebalans budžeta Općine Stari Grad iz prijedloga pretočen je u nacrt kako bi u njegovom kreiranju, s ciljem stvaranja što kvalitetnijih uslova za građane, mogli učestvovati svi klubovi stranaka u Općinskom vijeću Stari Grad, savjeti mjesnih zajednica, ali i sami građani.

Odlučeno je ovo na 40. sjednici Općinskog vijeća Stari Grad održanoj 31. maja, 2012. godine. Na dnevnom redu je bilo planirano da vijećnici razmatraju rebalans budžeta. Na inicijativu SDA i Haruna Imamovića, vijećnika ove stranke i uz saglasnost Ibrahima Hadžibajrića, načelnika Općine Stari Grad, prijedlog rebalansa pretočen je u nacrt.

"Zaključeno je da rebalans bude na javnoj raspravi 20 dana, a da u narednih deset dana nakon rasprave Služba za finansije sumira prijedloge dostavljene na rebalans i prosljedi ga Vijeću na usvajanje u junu. U javnoj raspravi mogu



Predsjedavajući OV Rizah Avdić

učestvovati klubovi političkih stranaka Općinskog vijeća Stari Grad, savjeti svih 16 starogradskih mjesnih zajednica i građani. Osim u mjesnim zajednicama nacrt rebalansa bit će objavljen i na općinskoj web stranici", istakao je Rizah Avdić, predsjedavajući Općinskog vijeća Stari Grad.

Hadžibajrić je upozorio vijećnike da budu obazrivi prilikom davanja sugestija i prijedloga na rebalans budžeta, s obzirom da Kanton Sarajevo nije ispunio obaveze iz Sporazuma o rekonstrukciji Ferhadije.

Vijećnici su odobrili Udruženju Vijeće mladih da u svom nazivu koristi ime Općine Stari Grad, te su Suadu Hadžić, dosadašnjeg općinskog pravobranioca kojem je istakao mandat, imenovali v.d. općinskim pravobraniocem do okončanja izbora osobe koja će biti na čelu Pravobranilaštva Općine Stari Grad.

Dodijeljeno 15 plastenika

Općina Stari Grad donirala je 15 plastenika domaćinstvima koja se bave poljoprivrednom proizvodnjom. Dodjeli plastenika prethodilo je potpisivanje ugovora između predstavnika Općine i korisnika donacije. Ugovore su, u ime Općine, potpisali Ibrahim Hadžibajrić, načelnik i Alija Kamber, pomoćnik načelnika za privredu. Hadžibajrić je podsjetio kako Općina svake godine donira plastenike



Korisnici plastenika

Kamber je naglasio kako je u ovogodišnjem budžetu za nabavku 15 plastenika obezbijedeno 54.000 KM. "Općina je svojim sugrađanima do sada dodijelila oko 75 plastenika, a prednost pri odabiru korisnika i ove kao i prethodnih godina imali su nezaposleni demobilisani borci i penzioneri. Građani koji su potpisali ugovore o dodjeli plastenika moraju naredne tri godine Narodnoj kuhinji Stari Grad godišnje obezbijediti po 100 kg proizvoda koje su uzgajali", rekao je Kamber.



Za plastenike 54.000 KM

Sadnice za plastenike

Svi mještani, koji su potpisali ugovore o dodjeli plastenika, dobit će i 5.250 sadnica paradajza, čiju nabavku je Općina finansirala s 3.150 KM. Sadnice paradajza i paprike podijeljene su i mještanima koji su plastenike dobili ranijih godina. Za vlasnike 26 plastenika, koje su dobili ranije, a nisu uništeni snježnim padavinama u februaru, Općina je donirala 2.630 komada presade paprike i 6.215 sadnica paradajza. Nabavku sadnica Općina je finansirala sa oko 5.600 KM.

građanima, a sve u cilju razvoja i stimulisanja plasteničke proizvodnje. "Snježne padavine su u februaru uništile značajan broj plastenika. Nastojat ćemo da pomognemo ljudima čiji su plastenici uništeni", najavio je Hadžibajrić.

Novi krovovi na trgovkama

Sanirani su krovovi trgovki na Bašćaršiji, koje su nastradale u požaru početkom marta, ove godine.

"U potpunosti je sanirana nosiva krovna konstrukcija, postavljen je daščani pokrov preko krova, kao i krovna lepenka preko daščane podloge. Postavljeni su oluci od bakarnog lima i ćeramida", pojasnili su u Službi za komunalne poslove i investicije. S ciljem pružanja pomoći ljudima koji su imali obrt u ovim trgovkama Općina Stari Grad je obezbijedila 93.120 KM za sanaciju svih krovova. Sanacija krovova trgovki počela je krajem marta, a izvođač radova bila je firma "Neimari".

Požar koji je 7. marta, 2012. godine,

oko podne, izbio na Bašćaršiji uništio je 11 trgovki, od kojih je njih sedam u vlasništvu Općine.



Novi krovovi na trgovkama

Povratnicima uručeni ključevi



Predstavnici Općine i izvođača radova

Pet povratničkih porodica srpske nacionalnosti 17. maja, 2012. godine dobile su ključeve od svojih obnovljenih kuća koje se nalaze na teritoriji Općine Stari Grad. Ključeve su dobili Ratko Marjanović u Ulici Močiooci 18, Slobodan Tomić u Ulici Močiooci bb, Bogdan Maletić u Ulici Dariva 15, Jovan Lakić u Ulici Močiooci bb i Vera Klico u Ulici Hladivode 20. Sve kuće su u potpunosti renovirane izuzev kuće Verke Klico na kojoj je samo zamijenjena stolarija. Diana Salihbegović, sekretar organa državne službe, podsjetila je kako je ovaj projekat finansiralo Ministarstvo za ljudska prava i izbjeglice BiH posredstvom Fonda za povratak BiH. "Projekat je koštao oko 127.000 KM. Općina Stari Grad bila je implementator projekta i provela je sve neophodne procedure", pojasnila je Salihbegović.

Vlasnici kuća zahvalili su se svim učesnicima u projektu. Istakli su kako su sretni što su nakon 20 godina života u podstanarstvu konačno dobili krov nad glavom. Vjeruju kako će predstavnici vlasti imati sluha da im obezbijede uslove i za održivi povratak.



Povratničke porodice i predstavnici Općine

Općina Stari Grad 2009. godine aplicirala je na Javni poziv Ministarstva za ljudska prava i izbjeglice BiH. U 2010. godini obavještena je da je ušla u projekat sanacije povratničkih kuća, nakon čega je raspisan Javni poziv za odabir korisnika donacije. Pet porodica, koje su dobile ključeve od svojih obnovljenih kuća, ispunjavale su neophodne kriterije, odnosno uslov da su 1991. godine imali mjesto prebivališta na području Općine Stari Grad.

Intervju: Vildana Taso – Kapetanović, pomoćnica načelnika za inspeksijske poslove

Pokrenuto 1.198 postupaka zbog bespravnih građevina

Općina Stari Grad, u odnosu na ostale općine u KS, ima najveći broj prinudnih izvršenja prema broju zakazanih termina, a najmanji broj bespravnih građevina, kazala Vildana Taso - Kapetanović

Općina Stari Grad, imajući u vidu ostale općine u sastavu Grada Sarajeva, ima najmanji broj bespravno izgrađenih objekata, istakla je Vildana Taso – Kapetanović, pomoćnica načelnika za inspeksijske poslove Općine Stari Grad.

Objašnjava kako je ova Služba pokrenula 1.198 postupaka zbog bespravnih građevina, te da se ovaj broj ne odnosi isključivo na objekte koji su u potpunosti bespravno izgrađeni, nego i na djelimične intervencije na objektima koje su rađene bez odobrenja.

“Najveći broj objekata koji su u potpunosti bespravno izgrađeni nalazi se u perifernim dijelovima Općine Stari Grad. U mahalama i centralnim zonama Općine uglavnom je riječ o intervencijama na već postojećim objektima. Općina Stari Grad, kada govorimo o objektima koji su u cjelosti bespravno izgrađeni, ima najmanji broj takvih građevina u Gradu Sarajevu, ali ujedno i najveći broj prinudno uklonjenih građevina na području cijelog Kantona Sarajevo”, naglasila je Taso - Kapetanović.

□ **Kakva je struktura uposlenika u Službi za inspeksijske poslove i šta je zapravo njen posao?**

Služba za inspeksijske poslove u svome sadržaju rada ima urbanističko-

građevinski i komunalni nadzor.

U Službi je uposleno 11 osoba: pomoćnik načelnika za inspeksijske poslove, tri urbanističko-građevinska i dva komunalna inspektora, pravnik, tri komunalna redara i viši referent za



Vildana Taso - Kapetanović

administrativno-tehničke poslove. U Službi radi sedam osoba sa visokom i četiri osobe sa srednjom stručnom spremom. Urbanističko - građevinski nadzor provodimo nad bespravno izgrađenim građevinama. Ovakav

vid nadzora podrazumijeva i praćenje izvođenja radova nad građevinama koje imaju pravosnažna odobrenja, kao i utvrđivanje fizičkog stanja objekata, pravljenje zapisnika kojim je naređeno otklanjanje nedostataka na ruševnom objektu, itd. Komunalni nadzor provodimo u sferi korištenja javnih površina. Osim toga vodimo i službene evidencije, upravni postupak po službenoj dužnosti, te radimo izvršenja tih rješenja u skladu s godišnjim planom i budžetom.

□ **Koliko u Općini Stari Grad ima bespravno izgrađenih objekata?**

Upravni postupci koji su u toku odnose se na različite bespravne intervencije. Trenutno imamo 1.198 pokrenutih postupaka.

To znači da su za sve građevine donesena rješenja o uklanjanju, ali za veći dio i zaključci o dozvoli izvršenja rješenja. Također u ovome broju su i objekti koji su u postupku legalizacije pa na određeni način “miruju” dok ne bude okončan postupak legalizacije. Neophodno je naglasiti kako se broj pokrenutih postupaka ne odnosi na objekte koji su u potpunosti bespravno izgrađeni. Broj od 1.198 odnosi se i na djelimične intervencije na objektima (krov, nadziđivanje, ograde, zidovi, pomoćni objekti).

□ **U kojim dijelovima Starog Grada dominira bespravna gradnja?**

Praćenjem i analizom bespravne gradnje možemo konstatovati kako su bespravni objekti uglavnom izgrađeni

Biografija

Vildana Taso-Kapetanović rođena je 26. marta, 1965. godine u Sarajevu, gdje je završila osnovnu i srednju školu. Diplomirala je 1991. godine na Građevinskom fakultetu Univerziteta u Sarajevu – konstruktivni smjer. Prvo zaposlenje dobila je 1993. godine kao projektant u Projektnom birou u Institutu za projektovanje IPSA Sarajevo. U IPSA-i je radila na izradi mnogobrojnih projekata među kojima su: glavni projekat poslovne zgrade “Laboratorije vodovoda” u Sarajevu, željezničke stanice u Mostaru, prenapregnutog cestovnog mosta preko rijeke Željeznice kod Sarajeva, obnove i rekonstrukcije međudržavnog mosta preko rijeke Save kod Broda, kao i glavni projekat međudržavnog mosta Šamac. Od 2000. godine uposlenica je Općine Stari Grad. Pomoćnica za urbanizam, stambene i komunalne poslove bila je od 2000. do 2009. godine, kada je preuzela rukovodeću poziciju u Službi za komunalne poslove i investicije. Od 2011. godine pomoćnica je načelnika za inspeksijske poslove.

u perifernim dijelovima Općine Stari Grad kao što su Gazin Han, Faletići, Sedrenik. U mahalama nemamo izraženu bespravnu gradnju kompletnih objekata, nego je uglavnom riječ o intervencijama na već postojećim starim objektima kao što su nadziđivanje, pretvorbe potkrovlja u stambeni objekat, ogradni zidovi, stepeništa, dogradnje, interpolacije i slične intervencije. U samoj centralnoj gradskoj jezgri – zone Baščaršija i Ferhadija, uglavnom nailazimo na mali broj intervencija kao što su izmjene portala, određene ventilacije, promjene otvora na fasadama i sl.



□ **Koja procedura prethodi uklanjanju bespravno izgrađenih objekata?**

Uposlenici Službe za inspeksijske poslove

Inspektor po prijavi izlazi na lice mjesta, utvrđuje činjenično stanje, sačinjava zapisnik, nalaže mjere investitoru i daje mu rok. Ukoliko investitor ne postupi po naloženim mjerama, inspektor donosi rješenje o rušenju objekta i kontroliše da li je po njemu postupljeno. Ako se investitor ogлуši o rješenje inspektor donosi zaključak o dozvoli izvršenja rješenja. Ukoliko investitor ne ispoštuje ni zaključak onda Služba u koordinaciji s KJKP "Rad" planira i zakazuje prinudno izvršenje donesenog rješenja o rušenju. U okviru nadzora urbanističko-građevinskog i komunalnog inspektora u toku postupka može biti pokrenuta prekršajna prijava kod nadležnog suda.

□ **Kada je riječ o uklanjanju objekta kakva je nadležnost Službe za inspeksijske poslove Općine Stari Grad?**

Služba uklanja bespravno izgrađene objekte ili njihove dijelove nakon donesenih upravnih akata. Izvršenje provodimo posredstvom KJKP "Rad", s prethodnom tehničkom i tehnološkom pripremom do načina izvršenja sa unaprijed zakazanim terminima i po cjenovniku iz Ugovora potpisanog s nadležnim u ovom preduzeću. Ne uklanjamo ruševne objekte jer je za njih

doneseno posebno rješenje u nadležnoj službi. Kod ruševnih objekata Služba zapisnikom naređuje vlasnicima ili korisnicima, ukoliko su dostupni, da otklo- ne opasnost ako postoji.

□ **Imajući u vidu posao kojim se bavite da li se susrećete s problemima na terenu?**

Gotovo svakodnevno se susrećemo s problemima na terenu gdje provodimo inspeksijski nadzor, uglavnom zbog poremećenih međuljudskih odnosa između komšija. Zbog ovih problema i poteškoća usko saradujemo s Policijs-

kom stanicom Stari Grad. Ova saradnja je obavezna prilikom prinudnog izvršenja rješenja, odnosno uklanjanja objekta, gdje imamo stalnu asistenciju policije. Stranke nerijetko prijete uposlenicima Službe što smatramo priti- skom na izvršenje zakona.

□ **Koliko je u budžetu planirano novca za uklanjanje bespravno izgrađenih objekata?**

U budžetu za 2012. godinu planirano je 50.000 KM za prinudno uklanjanje bespravno izgrađenih objekata, te 10.000 KM za izvršenja u oblasti komunalnog nadzora.

Nedostatak novca i slobodnih termina

□ **Koliko je u ovoj godini planirano prinudnih uklanjanja bespravno izgrađenih objekata i jeste li zadovoljni utvrđenom dinamikom?**

Mjesečno, od marta do novembra, imamo u prosjeku pet prinudnih izvršenja. Isti broj je i dobrovoljnih izvršenja rješenja, odnosno situacija u kojima investitor sam otkloni nepravilnosti koje mu je u rješenju naložio inspektor. Nismo u mogućnosti da uklonimo veći broj objekata zbog nedostatka novca u budžetu, ali i malog kapaciteta firme koja uklanja objekte. KJKP "Rad", kao državno preduzeće, je ograničeno s brojem termina koje nam može ponuditi jer je na istim poslovima angažovan i u ostalih osam općina u Kantonu Sarajevo. Privatne firme generalno ne prihvaćaju ovakve poslove, jer predstavljaju potencijalnu opasnost za njihove radnike i imovinu. Unatoč ovim poteškoćama zadovoljni smo situacijom na terenu. Prema saznanjima, Općina Stari Grad, u odnosu na ostale općine u KS, ima najveći broj prinudnih izvršenja prema broju zakazanih termina, a najmanji broj bespravni građevina.

Hedije borcima



S dodjela hedija

Predstavnici Općine Stari Grad organizovali su posjetu i druženje s pripadnicima boračkih populacija.

Kao i prethodnih, i ove godine predstavnici Općine Stari Grad ugostili su 250 pripadnika boračkih populacija i uručili im novčane hedije od po 100 KM. Druženje je organizovano za 100 šehidskih i porodica poginulih boraca, 100 ratnih vojnih invalida i 50 demobilisanih boraca.

Osim druženja, predstavnici općinske izvršne i zakonodavne vlasti posjetili su šest porodica boračke populacije i uručili im prigodne poklone i novčanu pomoć od po 200 KM.

Posjeta je bila organizovana za šehidske porodice Bahrije Pašić i Alije Komarica, porodice RVI Mirsada Mešinovića i Halida Dizdarevića, te dvije porodice demobilisanih porodica Nihada Brodovića i Avdije Pustahije.

Odata počast stradalim civilima



Počast civilnim žrtvama rata

Polaganjem cvijeća na Spomen obilježju u Parku "At mejdan" odata je počast civilnim žrtvama rata Dževadu Resiću i Senadu Šećeroviću.

Njih dvojica ubijeni su u civilnom automobilu 26. aprila, 1992. godine u pucnjavi iz tadašnje kasarne II armijske oblasti JNA.

Vijenac je na spomen obilježje položila delegacija Općinskog vijeća Stari Grad: Tatjana Ljujić-Mijatović, Faruk Emirhafizović i Suljo Agić.

Dani Općine

Obilježeni Dani Općine

Premijerno prikazivanje filma o najznačajnijim projektima Općine Stari Grad i dodjela općinskih priznanja i povelja najzaslužnijim pojedincima i organizacijama obilježili su Svečanu sjednicu Općinskog vijeća Stari Grad. Svečana sjednica, povodom obilježavanja Dana Općine Stari Grad, održana je 3. maja, a počela je intoniranjem državne himne. Sjednicu je otvorio Rizah Avdić, predsjedavajući OV, zahvalivši se svima koji su je svojim dolaskom uveličali. Posebno se zahvalio delegacijama prijateljskih općina Karpoš, Ulcinj, Budva i Osmangazi, kao i diplomatskom koru i predstavnicima svih nivoa vlasti. "Na ovakvim događajima moramo se prisjetiti i naših patriota koji su 2. maja, 1992. godine spriječili agresora da zauzme Sarajevo. Ove godine na 2. maj, obilježavamo i 550-u godišnjicu osnivanja Sarajeva", rekao je Avdić. Ibrahim Hadžibajrić, načelnik Općine Stari Grad, također se prisjetio onih koji su dali živote za odbranu Sarajeva i BiH i sačuvali dostojanstvo njenih stanovnika. Hadžibajrić je svim građanima Starog Grada čestitao Dan Općine, a predstavnicima medijskih kuća Svjetski dan slobode medija, koji je također obilježen



Predstavnici Općine Stari Grad Sarajevo s dobivenim priznanjima u strukturi Ulice Sarači i Mjedeničkog potoka, izgradnji hidrofleksa i osnovne škole u starogradskom naselju Sedrenik, novog mosta i saobraćajnice u naselju Obhodža, Bakr-babine džamije i Poslovnog objekta Kvadrant XII. Uku-

Promocijom slikovnice počeli Dani Općine Stari Grad

Promocijom slikovnice "Čarobno putovanje kroz Stari Grad" 18. aprila, 2012. godine u Domu mladih, pred više od 500 starogradskih osnovaca i nastavnika, počelo je obilježavanje Dana Općine Stari Grad.

"Zahvaljujući ovoj slikovnici na jedan drugačiji način naučit ćete o kulturno-historijskim znamenitostima Starog Grada," poručio je učenicima načelnik Općine Stari Grad Ibrahim Hadžibajrić.

"Čarobno putovanje kroz Stari Grad" je multimedijalni projekat kojeg čini slikovnica u kojoj dječak Dadan, djevojčica Sara, golub Vidan i mačak Biber vode čitatelje kroz čaroliju zvanu Stari Grad. Osim toga, slikovnicu prati i CD s pjesmama "Budilica" i "Kad spava Stari Grad" u izvedbi hora "Princess krofne". "Želim vam da živite svoju maštu i ostvarite svoje snove," poručio je učenicima autor slikovnice Fahrudin Kučuk.

3. maja, zahvalivši im se na objektivnom izvještavanju o aktivnostima Općine. Nakon obraćanja Avdića i Hadžibajrića predstavljen je film o sedam najznačajnijih projekata koje je Općina Stari Grad realizovala prošle godine. Riječ je o rekon-

pna ulaganja u Općini Stari Grad u 2011. godini iznosila su više od 14 miliona KM, a za realizaciju projekata iz budžeta je obezbjeđeno 9,8 miliona KM. Među najzaslužnijim pojedincima su Nijaz Memić i Ibrahim Mašić i njima su

Općine Stari Grad



Priznanja

dodijeljene općinske Povelje sa zlatnim štitom. Povelja s grbom Općine Stari Grad dodijeljena je Asiji Hajdarević, Zekerijahu Naliću i čevabdžinici "Mrkva Group". Policajcem godine proglašen je Mirsad Hodžić, komandir Policijske stanice Stari Grad, a zahvalnice su dodijeljene policajcima Asmiru Tatliću i Hamidu Hadžiefendiću.

U kulturno-zabavnom programu nastupili su horovi "Gazel" i "Princess krofne". Svečanoj sjednici Općinskog vijeća Stari Grad prisustvovali su vijećnici, predstavnici boračke populacije, svih nivoa vlasti u BiH, diplomatskog kora, te predstavnici pobratimskih općina iz Makedonije, Crne Gore i Turske.



Hor "Princess krofne"

Hatma-dova šehidima BiH



Učenici OŠ "Saburina i"Hamdija Kreševljaković"

U Amfiteatru Memorijalnog centra Kovači, u organizaciji Fonda Memorijala Kantona Sarajeva 20. aprila, proučena je hatma-dova šehidima BiH. Delegacija Općine i OV uprava Fonda Memorijala, te brojni članovi šehidskih porodica su položili cvijeće i proučili Fatihu na Šehidskom mezarju Kovači.

Nakon što je poručena hatma-dova prisutnima se obratio Salih ef. Meštrović, imam Lubine džamije koji se posebno zahvalio na dolasku učenicima osnovnih škola "Hamdija Kreševljaković" i "Saburina", te istakao da se prošlost ne smije zaboraviti. "Narod koji zaboravi prošlost, rizikuje da nema budućnost," rekao je ef. Meštrović. Počast je odata i svim borcima koji su učestvovali u odbrani BiH.

Sjećanje na velikane Sarajeva

Učenjem Fatihe sarajevskim velikanima: Isa-begu Ishakoviću, Gazi Husrev-begu i Aliji Izetbegoviću, predstavnici izvršne i zakonodavne vlasti Općine Stari Grad obilježili su 2. maj, Dan Općine. Delegacija je posjetila mezar osnivača Sarajeva Isa-bega Ishakovića u Carevoj džamiji, turbe rahmetli Alije Izetbegovića prvog predsjednika Predsjedništva BiH na Šehidskom mezarju Kovači i turbe najvećeg sarajevskog vakifa Gazi Husrev-bega u Begovoj džamiji. Odata je počast i svim šehidima koji su živote dali za odbranu BiH tokom agresije na ovu zemlju od 1992. do 1995. godine. Dan Općine Stari Grad obilježava se 2. maja jer su na ovaj dan 1992. godine vođene presudne bitke za odbranu Sarajeva i BiH. Na taj dan spriječeno je presijecanje Sarajeva na dva dijela što bi bilo kobno za odbranu grada.

Malonogometni memorijalni turnir



XI turnir šehidima, borcima i RVI

Ekipe Općine Stari Grad i Osnovne škole "Šejh Muhamed ef. Hadžijamaković" pobjednici su XI Memorijalnog turnira u malom nogometu: šehidima, poginulim borcima i RVI, održanog povodom obilježavanja Dana Općine Stari Grad. Drugoplasirane su bile ekipe Organizacije porodica šehida i poginulih boraca Općine Stari Grad i OŠ "Saburina", a treće mjesto pripalo je Policijskoj upravi Stari Grad i OŠ "Mula Mustafa Bašeskija". Na turniru je učestvovalo oko 150 takmičara raspoređenih u 13 malonogometnih timova. Zlatni donatori turnira bili su Općina Stari Grad i Nermin Bjelak, vijećnik u Općinskom vijeću Stari Grad, srebrni Restoran "Pod lipom", a bronzani firma "Ame". Organizatori turnira bili su općinsko Udruženje RVI i Organizacija porodica šehida i poginulih boraca Općine Stari Grad.

Karate turnir "Stari Grad 2012"



Na turniru 150 takmičara

Tradicionalni karate turnir "Stari Grad 2012." održan je 22. aprila, u Kulturno-sportskom centru Vogošća. Deseti po redu turnir organizovao je Sarajevski karate klub "Stari Grad" povodom obilježavanja Dana Općine, a otvorio ga je Rizah Avdić, predsjedavajući OV. Na X Memorijalnom karate turniru „Stari Grad 2012.“ učestvovalo je 12 klubova sa ukupno 150 takmičara. Takmičari karate kluba „Stari Grad“ u pojedinačnoj konkurenciji osvojili su šest zlatnih i četiri srebrne medalje. U ekipnoj konkurenciji takmičarke SKK "Stari Grad" do deset godina starosti osvojile su treće mjesto u katama, a djevojčice od 13 do 15 godina drugo mjesto u katama.

Dani Općine

"Bembaša kup – Stari Grad 2012."



Srebro za plivače Starog Grada

Gradski klub vodenih sportova Sarajevo osvojio je prvo mjesto na drugom Plivačkom mitingu „Bembaša kup – Stari Grad 2012.“, drugo mjesto pripalo je Plivačkom klubu Stari Grad, a treće Plivačkom klubu „Bosna“.

Na drugom Plivačkom mitingu „Bembaša kup – Stari Grad 2012.“, održanom na Olimpijskom bazenu Otoka, učestvovalo je 19 klubova iz cijele FBiH s 387 takmičara. Miting je organizovao Plivački klub „Stari Grad“ u sklopu obilježavanja Dana Općine.

„Plivački klub „Stari Grad“ je nastupio s 39 takmičara (22 dječaka i 17 djevojčica) u 114 pojedinačnih disciplina i sedam štafeta. Naši takmičari popravili



Popravljeni rezultati u 71 disciplini

su rezultate u 71 disciplini. Osvojili smo 30 medalja: sedam zlatnih, 12 srebrenih i 11 bronzanih. Za naš klub ovo je ogroman uspjeh i pokazatelj da dosadašnji rezultati našeg kluba nisu slučajni, nego su plod vrijednog rada naših trenera, plivača i uprave”, kazao je Miroslav Vujčić, predsjednik Plivačkog kluba „Stari Grad“.

Predstavnici Plivačkog kluba „Stari Grad“ zahvalili su se svima koji su pomogli pri organizaciji drugog Plivačkog mitinga „Bembaša kup - Stari Grad 2012.“, te su Ibrahimu Hadžibajriću, načelniku Općine Stari Grad dodijelili posebno priznanje zbog pružanja svesrdne podrške i pomoći ovom klubu u njegovom radu.



Održan goalball turnir

Ekipe iz Bugarske osvojila je prvo mjesto na 5. Međunarodnom goalball turniru slijepih i slabovidnih osoba, drugo mjesto pripalo je takmičarima Sportskog društva slijepih i slabovidnih Kantona Sarajevo, a treće takmičarima Sportskog društva slijepih i slabovidnih "Vid" iz Banje Luke. Peti Međunarodni goalball turnir slijepih i slabovidnih osoba, povodom obilježavanja

Dana Općine, organizovao je Sportski savez slijepih i slabovidnih osoba Kantona Sarajevo. Turnir je održan 28. aprila, u Prvoj bošnjačkoj gimnaziji, a učestvovalo je pet ekipa: po jedna iz Bugarske, Slovenije i Srbije, te dvije ekipe iz BiH (Sarajevo i Banja Luka).

Svim takmičarima uručene su medalje, pehari i diplome.

Obilježena godišnjica SJB Stari Grad

Učenjem Fatihe i minutom šutnje šehidima i poginulim borcima 18. maja, je na Trgu oslobođenja – Alija Izetbegović, obilježena 20-a godišnjica formiranja Prve policijske brigade Stari Grad. Obilježavanjem 20-e godišnjice formiranja i postrojavanja SJB Stari Grad okončan je i jednomjesečni program obilježavanja

živote su dali u odbrani Sarajeva i BiH. Na obilježavanju je istaknuto kako je sjećanje na ove hrabre ljude trajna obaveza i inspiracija za generacije koje dolaze da čuvaju tekovine borbe za BiH i ne dozvole falsificiranje historijskih činjenica, koje su u vezi sa odbranom Sarajeva i BiH. Obilježavanju 20. godišnjice formi-



S ceremonije obilježavanja 20. godišnjice postrojavanja SJB Stari Grad

Dana Općine Stari Grad. Svim pripadnicima Prve policijske brigade Stari Grad načelnik Općine Ibrahim Hadžibajrić je čestitao ovaj značajan datum. „Nadam se da ćemo i u narednom periodu obilježavati godišnjicu formiranja i postrojavanja Prve policijske brigade Stari Grad i nećemo dozvoliti da ovakve manifestacije i događaji budu zaboravljeni”, rekao je Hadžibajrić.

Na ovaj dan 1992. godine na Trgu oslobođenja oko 750 policajaca formiralo je Prvu policijsku brigadu. Njih 43

ranja i postrojavanja SJB Stari Grad prisustvovali su predstavnici svih nivoa vlasti u BiH, boračkih udruženja, rodbina, prijatelji i mnogobrojni građani. Sa skupa je poslana poruka mira simboličnim činom - puštanjem 20 golubova, što su uz 20 učenika sarajevskih osnovnih škola učinili član Predsjedništva BiH Željko Komšić, federalni ministar unutrašnjih poslova Predrag Kurteš, Nedžad Ajnadžić i prvi komandant Prve policijske brigade Ismet Dahić.

Osnovci predstavili vrijednosti Sarajeva

Učenici šest starogradskih osnovnih škola predstavili su svoje prezentacije o kulturno-historijskim znamenitostima Sarajeva u sklopu projekta „Kulturno-historijske znamenitosti moga grada“.

Učenici Osnovne škole „Šejh Muhamed ef. Hadžijamaković” pripremili su prezentaciju „Naseobinske kulture sarajevskog područja u antičko doba“, OŠ „Saburina“ - „

Stari zanati“, OŠ „Hamdija Kreševljaković“ - „Bedemi starog grada Vratnika“, OŠ „Edhem Mulabdić“ - „Ratni tunel spasa“, OŠ „Vrhbosna“ - „Zadužbine Gazi Husrev-bega“, a OŠ „Mula Mustafa Bašeskija“ prezentaciju „U različitosti je bogatstvo“.

Timu svake škole koji je pripremao prezentaciju predstavnici Općine Stari Grad uručili su po 100 KM i zahvalnicu.

Koncert i izložba povodom Dana Općine Stari Grad



Večer sevdaha uz RKUD "Proleter"

Izložba „Ambijentalne vrijednosti Starog Grada” i koncert „Večer sevdaha”, povodom obilježavanja Dana Općine Stari Grad održani su 7. maja, 2012. godine u Velikoj sali Općine. Izložbu „Ambijentalne vrijednosti Starog Grada” pripremili su studenti pete godine Arhitektonskog fakulteta Univerziteta u Sarajevu sa svojim profesorima, a koncert je Općini Stari Grad poklonio Narodni orkestar Radničkog kulturno-umjetničkog društva „Proleter”. Domaćin ovih događaja, u ime načelnika Općine Općine Stari Grad Ibrahima Hadžibajrića, bio je Zlatan Mesić, savjetnik načelnika za finansije i budžet.

“Dani škola Danima Općine”



Zabavni program osnovaca

Učenici svih osnovnih škola u Starom Gradu bogatim kulturno-zabavnim programom obilježili su Dan Općine Stari Grad. Tradicionalna manifestacija „Dani škola Danima Općine”, povodom obilježavanja Dana Općine Stari Grad, održana je u Domu kulture „Vratnik”. S pjesmom, recitacijama, igrokazima učenici šest starogradskih osnovnih škola, Osnovne muzičke škole „Mladen Pozajić” i Zavoda za specijalno obrazovanje i odgoj djece Mjedenica 24. aprila, su obilježili Dan Općine.

Projekti

Izgradnja i sanacija potpornih zidova

Završena je izgradnja i sanacija pet potpornih zidova u Općini Stari Grad. Riječ je o zidovima u ulicama: Hambina carina 14b, Džeka kod broja 75, Podcarina 11, na Zmajevcu i Alije Nametka 45. Svi projekti koštali su oko 200.000 KM.

Hambina carina



Hambina carina 14b

Novi armirano-betonski zid izgrađen je u Ulici Hambina carina broj 14b u dužini od 51 metra. Izgradnju zida Općina Stari Grad je finansirala sa oko 36.700 KM, a izvođač radova je bila firma "Vindi tip".

Džeka

Potporni zid u Ulici Džeka kod broja 75 izgrađen je u dužini od 27 i visini od 3,5 do šest metara. Gradnja ovog zida Općinu Stari Grad koštala je oko 60.000 KM, a izvođač radova bila je firma "Neimari".



Džeka kod broja 75

Podcarina

Saniran je potporni zid u Ulici Podcarina broj 11, koji se nalazi ispod jedne od saobraćajnica u ovom naselju. Za sanaciju zida Općina je obezbijedila oko 27.000 KM, a izvođač radova bila je firma "Fain inženjering".



Podcarina 11

Alije Nametka

Novi potporni zid izgrađen je u Ulici Alije Nametka broj 42. Na ovoj lokaciji srušen je stari zid, iskopani temelji, ugrađena željezna arma-



Alije Nametka 45

tura, te postavljena drenaža iza zida.

Izgradnju ovog zida sa oko 16.500 KM finansirala je Općina Stari Grad, a izvođač radova bila je firma "Sela".

Zmajevac

Na Zmajevcu je rekonstruisan potporni zid i izgrađena nova pješačka staza. Vrijednost ovog projekta je oko 57.900 KM i finansirali su ga Direkcija za ceste Kantona Sarajevo sa 40.500 KM i Općina Stari Grad sa 17.400 KM. Izvođač radova bila je firma "Ame".



Zmajevac

Asfaltiranje starogradskih ulica

Na području Općine Stari Grad u posljednja dva mjeseca asfaltirane su i sanirane četiri ulice. Za ove radove Općina je izdvojila oko 90.000 KM, a izvođač radova je bila firma KJKP „Rad“.

Brdo džamija



Brdo džamija

Novi asfalt u Ulici Brdo džamija postavljen je u dužini od 106 i širini 2,5 metra. Ova ulica dijelom je bila i kaldrmisana. Za ovaj projekat Općina Stari Grad je obezbijedila 13.000 KM.

Brajkovac

Ulica Brajkovac asfaltirana je u dužini



Brajkovac

od 266 i širini 2,6 metara. U sklopu ovog projekta asfaltiran je i jedan makadamski krak Ulice Brajkovac koji je bio u lošem stanju. Ovaj projekat je koštao oko 35.000 KM.

Velika Berkuša



Velika Berkuša

Asfaltiran je krak Ulice Velika Berkuša u dužini od 48 i širini 2,6 metara. Sanacija je podrazumijevala isijecanje dotrajalog asfalta s krpiljenjem oštećenja, izdizanje šahtova, šibera i rešetki na potrebnu visinu i na kraju asfaltiranje ulice. Sanaciju Ulice Velika Berkuša Općina Stari Grad je finansirala sa oko 5.600 KM.

Fadil paše Šerifovića



Fadil paše Šerifovića

Rekonstruisana je i asfaltirana Ulica Fadil paše Šerifovića u dužini od 177 metara. Nakon što je uklonjen stari asfalt, u ulici je riješen problem odvodnje, tako što su slivnici i šahovi izdignuti na potrebnu visinu. Asfaltiranje ove ulice koštalo je oko 38.000KM.



Postavljanje granitnih ploča na dijelu Ulice Ferhadija, čija rekonstrukcija je u toku, počelo je sredinom juna.

Postavljanju ploča prethodila je zamjena svih podzemnih instalacija: plinske, vodovodne, kanalizacione, elektro i instalacija BH Telecoma, zatim postavljanje ivičnjaka, te izljevanje armirano-betonske podloge za nove ploče.

Postavljanje granitnih ploča trebalo bi da bude završeno do početka jula, kada će u potpunosti biti okončan projekat rekonstrukcije dijela Ulice Ferhadija.

“Nove granitne ploče debljine osam cm bit će postavljene na površini od oko 700 metara kvadratnih. Bit će popločan dio Ferhadije od Tržnice do Ekonomsk-

og fakulteta, istakli su nadležni u firmi “Mibral”.

Rekonstrukcija dijela Ulice Ferhadija počela je 15. maja, 2012. godine, a izvođač radova je firma “Mibral”. Rekonstrukcija ovog dijela Ferhadije košta oko 290.000 KM i finansirala je Općina Stari Grad. Dio Ulice Ferhadija, čija je rekonstrukcija u toku, posljednji put je urađena 1982. godine, kada su i postavljene ploče. Ranije je Ferhadija bila asfaltirana saobraćajnica s pločnicima sa obje strane. Firma “Park nasadi” iz Mostara 1982. godine popločala je kompletnu Ferhadiju. Od tada pa do danas ovaj dio ulice nije rekonstruisan.

Potporni zid u Ulici Save Skarića

Počela je izgradnja novog potpornog zida u Ulici Save Skarića. Na ovoj lokaciji na jednom dijelu već postoji stari zid, a iznad njega se nalazi kuća. Postojeći dio zida će biti uklonjen i u dužini od 44 metra bit će izgrađen novi. Gradnju novog zida s 46.000 KM finansira Općina Stari Grad, a izvođač radova je firma „Džekos“.



Save Skarića

Sanacija platoa kod Vijećnice

Sanacija i asfaltiranje platoa Mustaj pašin mejdan, koji se nalazi u blizini Vijećnice, počela je krajem juna. Plato će u potpunosti biti saniran i asfaltiran.

Izvođač radova je KJKP „Rad“, a projekat sa oko 10.000 KM finansira Općina Stari Grad.



Mustaj pašin mejdan

Akcije čišćenja u Starom Gradu



Čišćenje u Aleji ambasadora

Akcije čišćenja obala Miljacke i Mošćanice od Aleje ambasadora do Kozje ćuprije, igrališta Komatin i prostora oko Mjesne zajednice Logavina organizovane su krajem maja, i početkom juna. Akcije su organizovane s ciljem podizanja svijesti građana o zaštiti okoliša.

Čišćenje obala Miljacke i Mošćanice organizovalo je Udruženje RVI Stari Grad i UJOB Stari Grad, igrališta u naselju Komatin Savjet Mjesne zajednice Širokača, a smeće i šiblje iz prostora oko MZ Logavina očistili su članovi Stonoteniške akademije “STAD”, koji i koriste prostori-rije ove Mjesne zajednice.

Izložba “Pogled na Sarajevo”



Slike Sarajeva turskog fotografa

Prva samostalna izložba fotografija turskog fotografa Ercana Erdeniza bila je postavljena 21. maja, 2012. godine u holu Velike sale Općine Stari Grad. U ovoj izložbi pod nazivom “Pogled na Sarajevo” predstavljeno je 50 fotografija Sarajeva koje je autor napravio tokom svog šestomjesečnog boravka u glavnom gradu BiH. Izložbu u ime Ibrahima Hadžibajrića, načelnika Općine Stari Grad, koja je ujedno bila i pokrovitelj izložbe, otvorio je Zlatan Mesić, savjetnik načelnika, istakavši kako je ovaj događaj jedan od dokaza trajne saradnje između Sarajeva, odnosno BiH i Turske.

Ercan Erdeniz je rekao kako je ponosan, sretan i uzbuđen što je svoju prvu profesionalnu izložbu otvorio u Sarajevu.

Vještačka trava za dvije škole



Igralište OŠ "Vrhbosna"

Vještačka trava postavljena je na sportskim terenima osnovnih škola "Vrhbosna" i "Saburina".

Postavljanje vještačke trave na teren OŠ "Vrhbosna" finansirala je Općina Stari Grad sa oko 56.000 KM. Osim trave na terenu su postavljeni golovi, uređena tribina, te reflektori za noćno odigravanje utakmica. Na ovom terenu, od 9. do 17. juna, odigran je Memorijalni malonogometni turnir "Omar Pekmez - Faletići 2012"

Postavljanje trave na teren OŠ "Saburina" finansirao je poznati, uspješni, a prije svega humani stanovnik Općine Stari Grad. Postavljanjem trave na oba terena prvenstveno je povećana sigurnost učenika OŠ "Vrhbosna" i "Saburina", a potom i obezbijeđen kvalitetniji prostor za igru i razonodu starogradskih osnovaca.

Nova mreža u četiri ulice



Kišna kanalizacija na Toki

Nova kanalizaciona mreža postavljena je u ulicama Alije Nametka u naselju Sedrenik, Hendek – Carina i Mejdan – Carina u naselju Vratnik i Toka u Mjesnoj zajednici Toka-Džeka.

U Ulici Alije Nametka priključak na fekalnu kanalizaciju dobilo je šest domaćinstava, a projekat postavljanja mreže u dužini od oko 110 metara finansirala je Općina Stari Grad sa oko 24.000 KM.

U Ulici Toka postavljanje kišne kanalizacije finansirala je Općina Stari Grad sa oko 47.500 KM.

U vratničkim ulicama Hendek – Carina i Mejdan – Carina postavljena je separatna, odnosno odvojena kišna i fekalna kanalizaciona mreža. Nova mreža u Ulici Hendek – Carina koštala je oko 310.000 KM, a u Ulici Mejdan – Carina oko 440.000 KM. Projekat je realizovalo preduzeće "Vodovod i kanalizacija".

Projekti



Postavljena levha u Bakr-babinoj džamiji

Najduža levha u Evropi postavljena je u unutrašnjosti Bakr-babine džamije. Levha, na kojoj su uklesani dijelovi Nur dove, duga je 45 metara i postavljena je cijelom dužinom Bakr-babine džamije. Levhu je na papiru izradio Hazim Numanagić, jedan od najpoznatijih bh kaligrafa. Klesar-umjetnik iz Jablanice prenio ju je na kamen. Levha se sastoji od 45 kamenih ploča teških po 50 kilograma. Izradu i postavljanje levhe finansirao je

privrednik iz turskog grada Burse, koji je obezbijedio donaciju i za gradnju Bakr-babine džamije.

Bakr-babina džamija u Parku "At mejdan" svečano je otvorena 27. juna, 2011. godine. Kamen temeljac za gradnju Bakr-babine džamije postavljen je 30. oktobra, 2009., a gradnja je počela u septembru, 2010. godine. Džamija je izgrađena u Arheološkom parku „At mejdan“ u kom su pronađeni ostaci Bakr-babine džamije iz 1544. godine.

Sjećanje na šehide i poginule građane



Spomen obilježje Turbe



Spomen obilježje kod mezarja Budaković

Učenjem Fatihe i polaganjem cvijeća delegacija Općine Stari Grad odala je počast pripadnicima Armije BiH koji su 8. juna, 1992. godine poginuli u akciji razbijanja obruča oko Sarajeva, u zoni odgovornosti od Curinih njiva do Zlatišta. U ovoj akciji poginuli su Amir Šeta, Ramiz Ćemo, Ahmed Holjan, Hanefija Maglajlija, Esad Beha i Šemsudin Ramović, a 54 pripadnika Armije BiH su ranjena. Obilježavanje 8. juna, kao i odavanje počasti šehidima organizovalo je Udruženje boraca "Odred Širokača".

Delegacija Općine Stari Grad odala je počast i građanima koji su 12. juna, 1993. godine poginuli na groblju Budakovići. Prije 19 godina na ovom mjestu, tokom klanjanja dženaze Fadili Karšić, poginulo je deset, a ranjeno troje građana Sarajeva.

Utopljanje vrtića "Biseri"

Postavljanje fasade na sve vanjske zidove i zamjena stolarije na Dječjem vrtiću "Biseri" je u toku.

"Umjesto starih drvenih bit će postavljeni plastični prozori i nova fasada na ovom objektu, a sve u cilju utopljanja vrtića odnosno uštede potrošnje energije u objektu", istakli su u Službi za komunalne poslove i investicije Općine Stari Grad.

Projekat utopljanja Dječjeg vrtića "Biseri" košta 80.000 KM i zajedno ga finansiraju Ministarstvo prostornog uređenja FBiH s 50.000 i Općina Stari Grad s 30.000 KM. Utopljanje objekta počelo je u junu, i rok za okončanje

projekta je 45 dana. Izvođač radova je firma "Fain inženjering".



Vrtić "Biseri"

Sanirana fasada na dva objekta

Uklonjeni su oštećeni dijelovi dimnjaka, oluka i fasade sa zgrade u Ulici Mjedenica 37, a stara fasada na zgradi u Ulici Pehlivanuša 1a je sanirana.

Dotrajali objekat u Ulici Mjeden-



Pehlivanuša

ica oštetile su snježne padavine u februaru. S obzirom da se objekat nalazi u neposrednoj blizini Zavoda za specijalno obrazovanje i odgoj djece "Mjedenica" uklonjeni su dijelovi zgrade koji su predstavljali opasnost za štitićenike Zavoda, ali i ostale prolaznike.

I fasada na zgradi u Ulici Pehlivanuša 1a bila je dotrajala i prijetila je obrušavanjem na saobraćajnicu što je predstavljalo opasnost za pješake i vozila. Dijelovi fasade koji su predstavljali opasnost su uklonjeni a oštećenja su omaltana. Sanaciju fasade u Ulici Pehlivanuša 1a finansirala je Općina Stari Grad s 3.000 KM.

Akcija pružanja pomoći

Miralem Bibić, dugogodišnji uposlenik Općine Stari Grad, prikuplja novac za transplantaciju bubrega koja bi trebalo da bude obavljena u inostranstvu. Za liječenje je neophodno prikupiti 80.000 KM, a do kraja juna, potrebno je uplatiti 20.000 KM da bi liječenje počelo. Pozivamo sve koji su u mogućnosti da pomognu i uplate novac za uspješno liječenje našeg kolege. Načini na koje možete uplatiti novac:

- na transakcijski račun Volksbanke bh: 140110022091880, sa naznakom "Donacija za liječenje Miralema Bibića";
- ukoliko želite da određeni iznos bude

uplaćen putem platne liste, potrebno je potpisati i ovjeriti izjavu (šalter sala); - iznos koji želite donirati možete u koverti predati i Samiji Šabeta u Službi za inspeksijske poslove.



Miralem Bibić

Sarajevska porodica Despić



Despića kuća

Jedna od najuglednijih srpskih pravoslavskih porodica XIX st. u Sarajevu je porodica Despić.

Rodonačelnik porodice Despić je Risto Stijepčević, rodnom iz Hercegovine, a njegovi preci su iz Crne Gore. Risto se polovinom XVIII st. doselio u Sarajevo gdje je završio ćurčijski (krznarski) zanat, a nakon toga oženio se sarajkom Despom kćerkom nepoznatog handžije. Risto je sa Despom dobio dva sina (Maksima i Nikolu) koje su Sarajlije nazivali Despini sinovi. Tako će vremenom Ristini i Despini sinovi po svom nadimku dobiti novo prezime – Despić!

Prvi spomen Despića u dokumentima je 1780. kada je Nikola Ristić, odnosno Despić kupio kuću na Latinluku, a magazu i dućan u Tašlihanu u kojima je prodavao ćurčijske proizvode. Ovaj dućan bio je nukleus odakle će se razviti obimni poslovno-trgovački poduhvati porodice Despić. Poslovne partnere u svom trgovačkom poslu Despići su brzo našli van Bosne, tačnije u Carigradu, jugoistočnoj Evropi, Italiji, Austriji i Njemačkoj. Razvojem trgovine, posebno ćurčijskom robom, Despići će steći veliko ekonomsko bogatstvo koje će pretežno ulagati u kupovinu nekretnina. Osim ekonomsko-poslovnog ugleda kojeg su Despići vrlo brzo stekli valja spomenuti i njihove rodbinske veze sa također istaknutim sarajevskim trgovačkim porodicama, a to su: Jeftanovići, Josipovići, Davidovići i dr. Uz trgovačko-ekonomsku djelatnost aktivni su i u kulturno-umjetničkoj sferi. U tom smislu valja istaći da su Despići davali jedan novi (zapadno-evropski) tonus gradu Sarajevu – spomenimo samo to da su prve pozorišne predstave održavane upravo u njihovoj kući! Također i na polju društveno-političke aktivnosti Despići su bili zapaženi i izuzetno aktivni – u doba austrougarske okupacije BiH Despići su bili protiv iste! Uz sve kazano, valja naglasiti da je ova ugledna sarajevska, ali i bh porodica, svojim novčanim prilozima i akcijama pomogla izgradnju odnosno dovršenje Saborne crkve u Sarajevu! Nakon Drugog svjetskog rata imovina porodice Despić biva nacionalizirana i od tog perioda možemo kazati da započinje polagano nestajanje Despića u aktivnom društvenom životu grada Sarajeva. Posljedni potomci porodice Despić odselili su iz grada 1967, a svoju kuću poklonili su gradu u želji da njihova kuća bude muzej – Despića kuća, depandans Muzeja Sarajeva. Osim ove kuće Despići su poklonili i kuću u kojoj je danas smješten Muzej književnosti i pozorišne umjetnosti BiH.

Alija Ibrović
dipl. orientalist

Mahmutovac

Mjjesna zajednica Mahmutovac se nalazi na lijevoj strani obali Miljacke, a okružena je mjesnim zajednicama: Bistrik, Hrid-Jarčedoli, Toka-Džeka i Širokača.

U ovoj Mjesnoj zajednici danas živi oko 3.000 stanovnika.

Mjesna zajednica Mahmutovac prepoznatljiva je po ulicama: Begovac, Okrugla, Kurtin sokak, Huremuša, Mahmutovac, Bistrik brijeg, Iza bašče, Paje, Kamenica, Sulejmana Zolja i dio Ulice Bistrik.

Starogradska Mjesna zajednica Mahmutovac, jedna je od rijetkih koja je zadržala ambijentale vrijednosti, odnosno tradiciju življenja i svog postanka. U njoj se još mogu naći kuće i avlije po kojima je prepoznatljiv Stari Grad.

ZNAMENITOSTI:



Hitri Sulejmanova džamija


Hadži-Sejidina džamija u Ulici Huremuša

Mjesna zajednica Mahmutovac prepoznatljiva je po brojnim znamenitostima koje se nalaze na njenoj teritoriji. Interesantna su i predanja o postanku pojedinih mahala u ovoj mjesnoj zajednici. Jedna od takvih je “Vlaška mahala” koja se nalazi u Ulici Okrugla. Prema predanju “Vlaška mahala” ime je dobila još u osmanskome periodu u vrijeme sultana Fatiha Mehmeda II. Ulaskom u Sarajevo u današnjem dijelu Ulice Okrugla zatekao je nekoliko pravoslavnih i katoličkih porodica po kojima je ova mahala i dobila ime.

Osim kao “Vlaška” ova mahala poznata je i kao hadži Sejidina mahala. Kao takva prvi put javlja se u popisu iz 1562. godine. U mahali je podignuta džamija poznata kao hadži Sejidina džamija. Uz samu džamiju je manji prostor sa nišanima, a preko puta nje u ograđenom prostoru također se nalazi se mezarje, koje je prema saznanjima uvakufio Huremefendija 1592. godine, pa je po njemu nazvana i Ulica Huremuša.

Hitri Sulejman džamija

U MZ Mahmutovac nalazi se i Hitri Sulejmanova džamija u Ulici Paje. Prema raspoloživim podacima ovu džamiju, odnosno mesdžid, 1578. godine sagradio je Hitri Sulejman. Današnja drvena munara ovog mesdžida sagrađena je 1857. godine, umjesto kamene koja se srušila 1796. godine. Hitri Sulejman je do mesdžida uvakufio svoju prostranu bašču za groblje, u kojem je i ukopan. Nad grobom



su dva osmokatna nišana, bez turbana i natpisa, a narod ih pripisuje Hitri Sulejmanu. Također se spominje da je u dnu groblja bila i česma, a za popravku i uzdržavanje 1773. godine stanovnica Careve mahale u Sarajevu, Safija hanuma, kći Mustajbegova, je uvakufila jedan svoj dućan pred Kolobarom.



Hadži Sejidina džamija

Savjet Mjesne zajednice

- | | |
|------------------|-------------|
| 1. Džehva Musić | Predsjednik |
| 2. Fuad Bečić | Član |
| 3. Azra Džanović | Član |
| 4. Jusuf Čosović | Član |
| 5. Zaim Zolj | Član |

Sjedište: Ul. Paje bb
Telefon: 033 535 935
Sekretar MZ: Derviša Holjan
e-mail: mz.mahmutovac@starigrad.ba

1001 starogradski biser

U jednom od prethodnih brojeva biltena kazivali smo o Staroj pravoslavnoj crkvi (Srpskoj pravoslavnoj crkvi) koja je smještena uz samu sarajevsku Baščaršiju.¹ Tom prilikom nastojali smo skrenuti pažnju na arhaičnost i svojevrstu atipičnost crkve, ali i na njezin značaj u kontekstu sarajevskog kulturno-historijskog naslijeđa. U spomenutom biltenu, odnosno tekstu, navjestili smo da ćemo zaseban tekst posvetiti muzeju Stare crkve. Već tada smo jasno kazali da muzej, naravno kao i sama crkva, jeste riznica materijalnog, a napose duhovnog bogatstva kojeg u tekstovima ove naravi nije moguće sistematično prezentirati. Stoga, ovaj tekst će pokušati dati samo grube obrise koji će sugerisati čitatelju da sam nastavi vlastitu putešestviju po povijesnom hodu Stare crkve, ali i njenog muzeja, koji zorno svjedoče da je ovdašnji čovjek znao mnogo prije evropskih konvencija (koje regulišu kulturu tolerancije) za suživot s drugim i drugačijim! Također, u tekstu koji je pred vama nastojat ćemo našu pažnju najviše usmjeriti na ikonu, odnosno ikonostasko, jer je muzej zajedno sa crkvom najvrjedniji i najautentičniji hram ikone u gradu Sarajevu, a od značaja ne samo za spomenuti grad, već i za mnogo širi prostor – posebno za one prostore u kojima je pravoslavna religiozno-duhovna tradicija davala svoj doprinos u oblikovanju kulturno-civilizacijskih vrijednosti!

Muzej Stare crkve nalazi se uz samu crkvu, ili dio je crkvenog kompleksa. Za razliku od poteškoća koje imamo u određivanju vremena nastanka crkve, za muzej takvih poteškoća nemamo. Tačna godina osnivanja muzeja je 1889. – godinu dana poslije osnivanja Zemaljskog muzeja, a tačan datum osveštenja muzejskog prostora je 13. maj 1890. – osveštenje je obavio mitropolit Đorđe Nikolajević. Idejni tvorac muzeja bio je crkveni tutor Jeftan Despić koji je prvotni muzej, odnosno muzejsku zbirku sastavio od već postojeće bogate crkvene riznice. Naime, spomenutu crkvenu riznicu (danas fundus crkvenog muzeja) najmanje je pet vijekova sakupljala i baštinila Stara crkva. Riječ je o predmetima sakralne naravi koji su dospijevali u crkvu kao darovi ljudi koji su ih donosili sa hodočašća Svetoj zemlji (hadžiluci), ili je riječ o darovima od strane bogatih pravoslavnih porodica (trgovačkih i zanatskih), a nemali broj ikona su dar vjernika s vjerom u izlječenje njihovog bližnjeg. Značajan broj predmeta, prije svega kujundžijskog (zlatarskog) rada djelo je domaćih sarajevskih zanatlija. Valja naglasiti da je osmanskomodobno Sarajevo imalo snažno (u ekonomskom smislu) pravoslavno zanatsko stanovništvo koje se u

sarajevskoj čaršiji isticalo u kujundžijskom zanatu.² Dakle, pored kujundžijskih radova (kadionica, kandila, panagijara, krstova...) u kojima je osim domaćeg rada prisutan i rad stranih majstora, i naravno uz ikonostasko radove koji predstavljaju najvrjedniji dio crkvene riznice, tu su još predmeti od tekstila u kojima se ističe odežda od zlatnog brokata i drugi tekstilni predmeti, a najvrjedniji su oni sa zlatovozom. Ovdje valja još istaći da je crkva u proteklom stoljećima sakupila i veoma vrijednu zbirku rukopisne građe (knjige i dokumenti), ali i primjere prvih štampanih knjiga u Južnih Slavena. U toj zbirci rukopisa i štampanih knjiga posebno se ističu sljedeći primjeri:

a) Rukopisi: Sarajevska krmčija (zakonik) – pergament, XIV st.; Siloanovo jevanđelje – XIV st.; Život sv. Save od Teodosija – prepisao ga dijak (pisar) Vladislav 1508. godine u samostanu Mileševi (Prije polje)...

dveri iz XVI st. sa predstavom Bogorodice iz Blagovijesti. Muzej posjeduje i vrijednu numizmatičku zbirku (dubrovački, mletački, osmanski, austrijski i srpski novac) i druge predmete.

Kazali smo da će našu najveću pažnju u ovome tekstu imati ikona. Razlog je jednostavan. Muzej Stare crkve spada u red onih muzeja koji imaju najbogatiju zbirku ikona na svijetu! U svjetlu te činjenice ovaj muzej možemo gledati kao muzej ikone ili ikonostasko. Naravno, kazano ne treba shvatiti na način da muzejska postavka, odnosno njena zbirka ikona nudi na jedan sistematičan i hronološki način razvoj ikonostaskarstva u cijelini! Muzejska zbirka ikona je izrazito heterogene naravi i u biti riječ je o postvizantijskim ikonama. Stoga bi ovu zbirku najlakše bilo kategorizirati u ikone domaćih i stranih majstora. Zato ćemo umjesto samih ikona navesti imena

Muzej Stare pravoslavne crkve



NIKOLA RICOS, Deizis sa praznicima i svetiteljima, oko 1490., tempera na dasci

b) Štampane knjige: Dva oktoih Đurđa Crnojevića iz 1493/94. godine³; psaltir iz mileševskog samostana...

Nezaobilazan dio muzejske postavke su radovi u duborezu. Riječ je o ikonostaskim fragmentima koji pokazuju zavidan nivo drvorezbarstva osmanskomodobne Bosne – mnoštvo je indicija da je drvorezbarstvo bilo iznimno razvijeno i u srednjovjekovnoj bosanskoj državi! Jedan od najrepresntativnijih i najstarijih ikonostaskih fragmenata BiH u posjedu je muzeja Stare crkve, a riječ je o desnom krilu

njihovih najrepresntativnijih majstora i škola kojima je ovaj muzej, a prije toga crkva omogućio dostojnu zaštitu. Od domaćih majstora⁴ izdvajaju se: Georgije Mitrofanović (XVII st.), Andrija Raičević (XVII st.), zograf Jovan (XVII st.), majstor Radul (XVII st.), Maksim Tujković (XVIII st.) i brojni dr. anonimni domaći majstori, odnosno zografi. Zatim, srijemski majstori - zografi XVIII st. kao što su: Nikola, Stanoje Popović... Spomenimo i najranije predstavnike barokne umjetnosti: Janko Halkozović (XVIII st.), Dimitrije Bačević (XVIII st.) i pop Simeona i njegov nastavljajući sin mu Aleksije Lazović (XVIII-XIX st.). Kada govorimo o stranim ikonostaskim školama i majstorima, navest ćemo sljedeće: Nikola i Andrija Ricos (XV st. Heraklion – Kandija; kritska škola) – spomenut ćemo ikonu Nikole R. koju muzej posjeduje – Deizis sa praznicima i svetiteljima, brojne italokritske i kritske ikone XVI i XVII st., grčke ikone XVI-XIX st., ruske ikone XVI-XIX st., te zapadne ikone (venecijanski majstori) XV st. Na kraju ovog pasusa potkrijepimo kazivanje s početka istog da je riječ o jednoj od najbogatijih zbirki ikona na svijetu – Svetlana Rakić iznosi podatak da muzej Stare crkve broji nešto više od 600 ikona.⁵

Spomenimo još da je muzej posvećen sv. Prvomučenički Tekli, a muzejsku postavku je 1975. izvršio protojerej-stavrofor Slobodan Radović paroh sarajevski i historičar umjetnosti.

1 Vidi naš tekst 1001 starogradski biser – Stara pravoslavna crkva, U: Starogradski haberi, br. 6., 2010. god., str. 23.

2 Čuveni sarajevski kujundžija Risto Andrić (XIX st.) poznat po tome što je okovao najglasovitiju ikonu na tlu BiH, riječ je o Čajničkoj Krasnici (dupla - litijska ikona) – vizantijska ikona iz XIV st.

3 Oktoih, kojeg posjeduje muzej Stare crkve jeste prva crnogorska, ali i južnoslavenska ćirilična štampana knjiga koja je štampana na Cetinju (Obod).

4 Misli se na južnoslavenske srpske ikonopisce, bez obzira na kom prostoru djelovali – bosanskohercegovačkom, srbijanskom ili nekom drugom, svi su u okrilju SPC-a

5 Svetlana Rakić, Ikone Bosne i Hercegovine (16-19. vijek), Republički zavod za zaštitu spomenika kulture, Beograd, 1998. god., str. 11.

Festival hrane i folklora Stari Grad

Na Trgu oslobođenja – Alija Izetbegović 6. maja, je održan prvi Festival hrane i folklora Stari Grad. Uz nastup kulturno-umjetničkih društava iz Starog Grada, u najpoznatijim bosanskim kulinarskim specijalitetima uživali su brojni građani

i turisti. Doprinos festivalu dali su aščinica i buregdžinica „ASDŽ“, ćevabdžinica „Željo“, slastičarne „Sport“, „Saraj“ i „Dalas“ te starogradska kulturno-umjetnička društva „Bašćaršija“, „Biseri sevdaha“, „Šadrvan“ i „Bratstvo“.

